

汀州府志



郡邑之有志昉古列國史也志齋經而翼史者也六經之道同歸矣謂春秋獨見諸行事非空言比何也袁鉞嚴勸懲遠夫人而知之也今夫自朝廷達邦國凡敷奏也批勅也勘驗也何事非言何言非事行之則勸懲在一時輯之則袁鉞之千百世甚矣史之爲事重也語事於一郡內外大小雖殊至於登耗有數興釐有時彰善瘴惡有權治人理幽有典事之可存於簿書者

汀州府志

序

所在充棟焉揆以春秋之義其散之六曹與屬邑者雖實事總載以空言及其彙而爲志無空言不爲實事而志且與史竝重作之匪易修不其難乎汀志終於肅皇帝之六載迄于今山川尙多新闢何論人事益以年來疆場多故兵食繁興加派頻仍官私交困譬理家者事愈勞則手口之登記愈不容慢此殘缺之亟在修舉也余不佞技乏三長而欲上下百十餘年之文獻程往昔詔來茲如綆短何惟是長吏窮年簿

志特其可大可久者委之操觚家事又義所勿安廼取馬生上榮所爲續畧與舊本參伍而錯綜之考以八閩通志採以八邑分志登稗野之傳聞發案牘之陳腐再與紳衿之有識者悉心討論如裁腋爲裘聚材作室凡三易藁而志成質之共事諸君無異同也僉揖余進曰汀信史也請弁其首梓之余猶豫未決旣又喟然作而嘆曰嗟嗟否歟然哉夫子之作春秋也曰吾之於人也誰毀誰譽尤上嘉乎史之闕文且於不

汀州府志

序

二

知而作之者三自反焉汀旣培固陋而文明則爲之志以表方隅之勝大約善善長於惡惡法之不得同於史固也或者謂江河日下載籍孔多紈袴士女偏多節孝之旌箕裘子孫善竊賢豪之幟巧拙之名實相蒙恬競之品行互掩貴耳于目信手爲心若是者有一焉能無謬於有所試無所譽之旨乎然則昔之於志懼其文闕今之於志不更懼其文夸乎所可得而信者曰此述之非作之也抑縱與奪進退微顯不佞與

諸士大夫國人之心相信而後筆之於書庶幾
以三代直道當四境風謠待熙朝作史者之採
擇云爾若夫披岩谷之險夷辨民俗之淳薄論
武備之堅瑕導其窾可以起事綜其變可以救
時又此中資治之本所不可使無徵也

汀州府舊志序

明 伍 宴

志別史之名也筆削秉是非之公褒貶嚴取予之正無假借詭隨公而不私此修志之定法倣春秋之大義也可易爲之耶當嘉靖丙戌之五年我汀州大邦伯邵公有道誕興文教惠和政流三年矣公餘作而歎曰國無史何以鑒治亂興亡郡無志何以知人情風俗惓惓以修志爲任已而憲使周公提學副使邵公銳意整飭兵備憲僉儲公又相繼躋之公乃登晏于堂囑曰

汀州府志

序

一

子郡人其爲我修之辭愈堅而委愈力用是協同汀州府學訓導何雲庠生王惟倭李孟魁等取先弘治十一年所修舊志門類事體悉遵成式但道降俗殊或有不合於是細爲考閱可者因之否者革之遺者補之幽者闡之善者進之惡者退之無實盜名者刪而正之閱六月而草志成志成公曰是可梓也子其序之晏惟史志一也顧一簡而一繁耳何謂一蓋志紀天文分野卽史天文志志紀山川城郭橋梁道路

地理志志紀土田貢賦卽史溝洫志志紀名宦
人物列女之屬卽史外傳志志紀詩詞序記之
類卽史藝文志志紀甲第科貢卽史選舉志若
乃志風俗之淳澆戶口之增損則又君德世道
所繫得非本紀世家法耶然史家者流遷固尙
矣以良史稱則曰華嶠以不假借稱則曰吳兢
以直筆稱則曰李延壽晏林下散人賦質庸下
其于良史之才愧前聞人多矣安敢希名於志
以圖不朽哉雖然抑有說焉人有古今此心之

汀州府志

序

二

公則一而已要之公筆削嚴褒貶是曰是非曰
非不少假借而直筆不回吳兢此心延壽此心
而晏未必非此心也若乃徇情害公褒貶失當
如魏收者非惟不肯爲而亦不敢爲矣公欲鉅
梓大備一汀文獻其功豈淺淺哉是舉也予於
通守楊侯太古節推劉侯梅其左右贊襄亦有
取焉

汀州府舊志序

明安成劉震進士及第祭酒

汀州自唐有之州有溪南流入於海南南丁位也以水合丁故曰汀然稱州未稱郡天寶初雖改臨汀郡未幾復爲汀州州治自新羅徙白石至今因之蓋周之七閩地歷秦漢至晉始立新羅縣唐開元末開福撫二州山洞始置汀州宋隸福建路元改汀州路至國朝改路爲府始與福州八郡竝稱矣方州於唐屬縣三曰長汀寧化新羅後折新羅屬汀州旣路於宋益以四縣曰

汀州府志

序

一

上杭武平連城清流合而六焉然崇山複嶺俗尙武勇當深谷斗絕之處往往掛刀升層崖如履平地故正統成化間兩煩王師收戢山氓先後增歸化永定二縣又合而八焉夫山川旣開氣化日盛上符聖神之治下昭守土之功顧豈偶然哉予同年金陵吳君文度憲之守汀幾九載政治民安環境內七百餘里獐突稀聞廼閱汀志謀於掌教杜君觀光分教梁君鑄曰今之汀非昔之汀也益舊志而新之庸可緩乎二君

卽殫心共事備獵舊載亦以國史合八縣所
訂而刪之歷數月而新志成凡若干卷於是郡
之建置沿革山川風俗制度文物宮室學校與
夫土產貢賦古祠異蹟詩文之屬彬彬具悉如
指諸掌迺走簡南雍徵予序并錄諸梓惟地以
時而闢以人而治必以文籍而傳故夏殷徵文
獻孔聖式負版漢收秦府圖籍而盡知四方險
易志可忽乎哉汀際文明盛世而有賢守臨之
以人乘時地之闢且治也宜矣然觀風辯物昔

汀州府志

序

二

好勇鬪而今習文事昔寡進取而今趨科名烟
火始稀也今則鷄犬相聞無異中州瘴厲始熾
也今則士類宦遊視爲樂土使無新志何以紀
勝而示後徵此吳君所以屬意編摩而領提臚
分以底成功資二君焉予雖弗工於序奚容辭
噫斯志也譬樂之合衆音以鏘鳴也而祝始之
其音朴然序則祝也觀者美洋洋之盛其無厭
乎祝之朴也耶

弘治丁巳
年仲秋修

汀州府志序

周禮小史掌邦國之志外史掌四方之志志者
列國之書諸侯之事也說者謂後世變史稱志
自陳壽始不知壽蓋有微意存焉其稱三國者
不與魏以統之正也其稱志者明乎魏非天子
之事也特與蜀有宿怨削謚稱名是其褊心耳
今考其書志紀傳共六十五卷名雖爲志實則
史也至後世省郡方言乃微與史異史有美刺
是非褒貶賞罰志則有彰善而無痺惡其不同

汀州府志

卷之一

李序

一

者一也史事繁而言鉅志事雜而言瑣其不同
者二也史多言君道臣節志則守下不議上之
義無敢一語及於朝廷所言者區區守土之臣
之稱職與否耳其不同者三也若夫序事之辨
而不華質而不俚體大思精義遠法備則志與
史一焉史難而志亦豈易言者耶汀志修於崇
禎十年距今百二十載矣官其土者有所不爲
亦有所不暇而郡之能文章有操守者往往瞻
顧於父母桑梓之邦欲任勞任怨而不敢也如

是則典章文物土地人民聽其推移閭閻浹化
寢沒後之君子又何以考文而徵獻乎汀郡守
芝田曾公思郡志殘缺有不容姑置也乃延孝
廉永福黃君惠南昌萬君祚東上舍生南昌李
君良燥張君時新建萬君承莖主其事摹漫漶
之廢版搜塵蠹之殘牘徵信於通志邑志採於
大夫士庶人之口其難其慎越一年而草志成
芝田走价數百里囑予釐正而潤色之予惟芝
田之尊人慎齋先生生同鄉仕同地其忠盡經
濟有古名臣風予每入

告必以其名

汀州府志

卷之一

李序

二

聞乃出爲牧伯入爲星郎躋蹀軼軻終不竟其用今
長公於惠和政流之暇綱張目舉旋及夫志余
老矣喜見故人子之克世其業也故不敢辭乃
取草志繙閱之文直事覈信乎可傳之百世而
不朽也特以汀原屬吾撫之山洞其山川土地
政事人物予頗習聞其要領因不自揣畧爲點
定以從當道諸名公之採擇且以復芝田曰公

知此一志也其盡乎爲政之道乎仰觀天象則
思所以弭變而迎祥焉俯察地理則思所以增
高濬深設險而守固焉考風俗之得失賦役之
繁簡則思所以整齊而綏安之焉覩學校則思
禮教覩兵制則思和衷覩政事美惡人物盛衰
則思嚴取舍廣培植焉於以上報

天子下紹家學均於志乎取之又豈區區爲一郡徵
信之書已耶是爲序

乾隆十五年歲次庚午仲秋中浣

汀州府志

卷之一

李序

三

賜進士出身 予告內閣學士兼禮部侍郎臨川李
綬撰

汀州府志序

太史公作八書班孟堅因之爲志十于律歷刑
法食貨郊祀天文五行地理溝洫藝文諸類各
爲一志人物則以紀以表以傳後代郡邑之志
實昉于班而人物并以志稱自郡邑有志太史
擇其要者以登于史卽周官外史所掌與大小
史相表裏者也顧非擅才學識之三長足以補
黻休明潤色鴻業者卽欲加摭摭編摩而有所
甚難汀於晉太康爲新羅地爾時轉徙靡常統
轄無定迄唐雍熙始隸福建路淳化以來或入
籍江西行省或仍歸閩南版圖其間改路爲府
變堡爲縣聲名文物之盛土宇版章之廣已逾
曩日前明金陵吳君文度烏程唐君世涵因舊
志散軼起而重新之嗣經兵燹之餘方策云燬
無以昭茲來許夫我

國家深仁厚澤浹於百年戶口日增幅員愈闢汀
州一郡駸駸然並全閩所轄諸郡而頡頏矣志
顯缺畧不修是亦一方之憾事而守土者之責

也太守曾君蒞汀三載政通人和復獨留心斯舉爰捐貲藏事越兩歲而告成今以才賢調任東寧行有日矣彙帙此志索弁於余余取而披覽之首凡例以審厥端臚條目以綜其要戶役田賦優卹附也學校師儒書社列也著作富贍者傳文炳於日星也惠施馨懿者行義昭乎史藏也欽隱道之堪仰則枝棲亦留塵氷雪之可風則蘭閨悉錄他若吳臺梁苑梵刹元宮則釐定于此攸嚴災稜萑苻風謠土物則編次有所

汀州府志

卷之一

單序

二

不濫至于星野疆域禋祀禮樂職官武備之原委周詳又皆其燦然而可觀釐然而有緒者也僉曰休哉於乎備矣夫承流宣化豈繫無人而興廢舉墜往往壞于因循而不之振今乃舉上下百十餘年之殘缺而補之俾大綱小紀較若列眉前言往行瞭如指掌于以仰佐

聖天子昇平之治而備千秋金匱石室之採所係不綦重歟余適任輜軒故因厥請而弁其實于簡端云

乾隆十七年壬申長至日

賜進士出身中憲大夫福建分巡巡海汀漳龍道按

察使司副使加一級前工科給事中

欽命巡視臺灣兼提督學政高密單德謨撰

汀州府志

卷之一

單序

汀州府志序

邦國四方之有志蓋不知其所始而周官小史外史實掌之然則尚已唐宋以還凡通都大邑荒陬遐裔靡不各有紀載勒爲成書所以昭一方疆索之廣狹山川之險易民數之登耗土田之腴瘠風尚之美惡官師之治行名賢之懿蹟微而方言逸事人機物變且著於錄雖不無純駁得失之殊其足以資攷鏡一也昔文公朱子每蒞郡甫下車輒稽討圖經用爲出政宣民之

汀州府志

序

德序一

本則志之所繫詎不重歟臨汀爲郡壤接江廣山重水迅廣袤數百里爲閩南奧區自宋逮明人文日盛我

朝德教涵濡至化翔洽汀之人旣家禮樂戶詩書有以草其獷悍鬪健之習俗至於名材碩彥項背相望而鄉里自好之士亦多至不可勝紀猗歟休哉卽一郡以觀而全閩而天下可知矣若夫休養生息之从戶口蕃富汗萊盡闢豁除浮賦

賑恤災黎

湛恩之霑被茲土者有加無已汀之人何其幸也夫
風會之日上

德澤之滂流皆不可以無述乾隆戊辰南昌會君曰
瑛奉

命來守是邦期月政成間徵郡乘則自

本朝百有餘年以來闕焉不修重懼宏綱鉅典日就
放軼遂乃徵文考獻慎延儒紳畀以筆削之任
閱歲書成請余一言弁其首詳觀是編義例謹
嚴有條不紊

汀州府志

序

德序二

國家之典章制度良法美意粲然咸備洵可爲一方
之惇史足以昭示來茲者也余雖未親履其境
獲覩夫山川疆里風氣之清淑茲得循玩是編
頰仰遇之尤爲快矣曾君涖鄞江五年百廢具
舉惠政流聞至今方以績最調知臺灣云
福建等處承宣布政使司布政使加二級又軍
功加四級紀錄十二次德舒序

序

壬申春僕以謬承 閩汀太守曾公龍山講席
之聘自念薄植荒落不克報稱又赧不獲辭敦
世講也入汀以來稔知閩汀爲人文淵藪龜山
先生桑梓在焉急欲遐稽靈蹟徵考文獻以廣
嚮慕之私適郡棗編且成 曾公授以卒業兼
命略爲檢校俾壽梨棗猗歟休哉甚盛典也乃
得縱此大觀乎按是書爲永福黃廸軒孝廉等
屬草又質定于同鄉穆堂前輩肅括典重炳炳

汀州府志

序

熊序

一

麟麟僕自揣固陋曷敢續貂而芻蕘之詢又不
敢不刮垢洗瘢以効愚誠間爲補闕拾遺共勩
鴻雅 曾公殊不鄙棄以爲可參末議僕於是
重感 曾公之謙懷若谷求詳且慎而益歎著
述之難也聖人有言爲命裨謔草創之世叔討
論之行人子羽脩飾之東里子產潤色之區區
尺一必賴數君子慘澹經營而後立言無弊國
受其福司馬子長繼父談修史記合兩世撰述
之力迄有完書而褚少孫猶爲補綴若于前